

Visoki predstavnik Inzko u posjetu Brčko Distriktu



Visoki predstavnik Valentin Inzko danas je posjetio Brčko Distrikt, gdje se sastao sa zvaničnicima Distrikta, između ostalih, sa gradonačelnikom Sinišom Milićem, zamjenikom gradonačelnika Antom Domićem, predsjednikom Skupštine Distrikta Esedom Kadrićem i potpredsjednikom Skupštine Ivom Filipovićem.

Na sastanku sa zvaničnicima Brčko Distrikta, visoki predstavnik je podcrtao da “sva vaša energija i naponi trebaju biti posvećeni rješavanju pitanja koja su istinski važna za građane. Nemam dvojbi da bi građani poštovali takav pristup”, rekao je visoki predstavnik.

Ranije tijekom dana, visoki predstavnik je govorio na otvaranju sajma *Brčko EXPO*, koji traje dva dana i koji je okupio više od 200 malih i srednjih poduzeća iz cijele regije.

On je naglasio da se kandidati, koji su u utrci za izbore, trebaju “ugledati na poduzetnike. Ako želite postići uspjeh i ako želite da i vaši građani sudjeluju u tom uspjehu, onda pristupite politici na način kako poduzetnici pristupaju poslovanju – to znači izgradnja i poticanje povjerenja, optimizma i sposobnosti za suradnju”.